

Na osnovu člana 46. Zakona o izvršenju Budžeta Bosansko-podrinjskog kantona Goražde za 2018. godinu ("Službene novine Bosansko-podrinjskog kantona Goražde", broj: 13/17), Zakona o raseljenim osobama i povratnicima u FBiH i izbjeglicama iz BiH („Službene novine FBiH“, broj: 15/5), a u skladu sa Programom utroška sredstava Ministarstva za socijalnu politiku, zdravstvo, raseljena lica i izbjeglice sa ekonomskog koda 614 200 – Tekući transferi pojedincima (JAM 001-Izdaci za raseljena lica) za 2018. godinu, broj:08-14-608/18 od 2018.godine, na koji je Vlada Bosansko-podrinjskog kantona Goražde dala saglasnost Odlukom broj:03-14-392/18 od 22.03.2018.godine Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde objavljuje:

J A V N I P O Z I V
za podnošenje prijave za ostvarivanje pomoći
iz Programa održivog povratka

I Predmet javnog poziva

Predmet Javnog poziva je dodjela finansijske pomoći povratnicima u cilju obezbjeđenje uslova za održivost povratka i poboljšanje kvaliteta življenja u mjestu povratka za Grad Goražde, općine Foča FBiH, Pale FBiH i susjedne općine iz RS-a.

II Pravo učešća na javnom pozivu

Pravo učešća na ovom javnom pozivu imaju:

- Lica koja imaju status raseljenih lica i povratnika
- Udruženja građana, neprofitne i nevladine organizacije koje su aktivne u oblasti brige o raseljenim licima i povratnicima.

III Kriteriji

Kriteriji koji će se koristiti za raspodjelu sredstava vezani su za planirane rezultate, efekte i utjecaj projektnih aktivnosti na opće i posebne ciljeve Programa utroška sredstava.

Opći kriteriji za dodjelu pomoći:

A) Kriteriji izbora korisnika pomoći za održivost povratka

Kriteriji za izbor korisnika pomoći za obnovu i izgradnju infrastrukturnih objekata (puteva, mostova, vodovoda, el.mreže, sportskih terena i dr.), obnovu i izgradnju privrednih i društvenih objekata, pomoć za zapošljavanje u zanatskim i proizvodno-uslužnim djelatnostima (nabavka opreme, repromaterijala i dr.), sufinansiranje nabavke poljoprivredne opreme (poljoprivredne mehanizacije, platenika, sadnica voća i vinove loze) kao i izgradnja objekata za stočarstvo i dr.

1. Opći kriteriji za dodjelu pomoći koji se odnose na fizička lica:

- a) da je povratnik u prijeratno mjesto prebivališta na području Federacije BiH ili povratnik iz Federacije BiH u prijeratno mjesto prebivališta za područje Republike Srpske i Brčko Distrikta BiH;
- b) da ima riješeno stambeno pitanje u mjestu povratka;
- c) da raspolaže ili u traženom roku može obezbjediti sve potrebne/tražene preduslove za implementaciju projekta (u zavisnosti od vrste projekta npr. zemljište, objekti i drugi resursi).

2. Posebni kriteriji koji se odnose na fizička lica:

- a) ranija korištenost/nekorištenost finansijskih sredstava ili drugih oblika pomoći za održivi povratak;
- b) broj i starosna dob članova porodice/osoba koje žive u zajedničkom domaćinstvu sa podnosiocem zahtjeva – članovi mlađe životne dobi;
- c) dokazi o pripadnosti ranjivim kategorijama (šehidske porodice odnosno porodice poginulog borca, RVI, porodice nestalih, bivši logoraši, civilne žrtve rata, demobilisani borci, porodice u kojima je žena nosilac domaćinstva, osobe sa invaliditetom i sl.);
- d) nezaposlenost, radni ili drugi status podnosioca zahtjeva i članova domaćinstva;

3. Opći kriteriji koji se odnose na pravna lica – programi obnove i izgradnje infrastrukturnih i drugih objekata od značaja za širu društvenu zajednicu:

- a) izvršena registracija pravnog subjekta (ako prijavu podnose udruženja, organizacije, asocijacije, poslovni subjekti i sl.);
- b) da su predloženi projekti usmjereni ka rješavanju infrastrukturnih i drugih problema značajnih za razvoj održivog povratka i širu društvenu zajednicu (ako prijavu podnose udruženja, organizacije, asocijacije, zadruge, poslovni subjekti i sl.);

4. Posebni kriteriji koji se odnose na pravna lica – Programi obnove i izgradnje infrastrukturnih i drugih objekata od značaja za širu društvenu zajednicu:

- a) spremnost sufinansiranja projekta od strane podnosioca prijave ili drugih donatora;
- b) broj povratničkih domaćinstava/povratnika i broj potencijalnih povratnika kojima će projekat koristiti;
- c) očekivani rezultati, procjena mjerljivih efekata koji idu u prilog stvaranju preduslova za kvalitetniji život povratnika.

B) Kriteriji za poboljšanje stambenih uslova povratnika i raseljenih lica

Opći kriteriji

Opći kriteriji utvrđeni su Zakonom o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine F BiH“, broj. 15/05):

1. da je izbjeglica iz BiH, raseljeno lice u BiH ili povratnik;
2. da je iskazao namjeru za povratkom
3. da je utvrđen status vlasništva ili stanarsko pravo nad stambenom jedinicom koja je predmet rekonstrukcije;
4. da je na dan 30.04.1991.godine imao prebivalište u stambenoj jedinici koja je predmet rekonstrukcije;
5. da se stambena jedinica koja je predmet rekonstrukcije smatra neuslovnom za stanovanje, u skladu sa odgovarajućim standardima o minimumu stambenih uslova;
6. da on i članovi njegovog domaćinstva od 1991.godine nemaju na teritoriji BiH drugu stambenu jedinicu koja se smatra uslovnom za stanovanje, u skladu sa odgovarajućim standardima o minimumu stambenih uslova,
7. da nije primio pomoć u rekonstrukciji, dovoljnu da zadovolji odgovarajuće standarde o minimumu stambenih uslova.

Opći kriteriji iz tačke 6. predhodnog stava isključivo se odnose na sadašnje članove porodice.

2. Posebni kriteriji za izbor korisnika su:

1. Korisnik pomoći:

- a) korisnik pomoći se vratio na svoje prijeratno prebivalište i živi u uslovima koji su ispod utvrđenog stambenog minimuma, uključujući i korisnike koji privremeno borave u improvizovanim naseljima, kampovima, kontejnerima i slično;
- b) korisnik pomoći sa statusom raseljene osobe;
- c) korisnik pomoći sa statusom izbjeglice iz BiH.

2. Korisnik pomoći pripada određenim kategorijama kao što su:

- a) socijalna kategorija;
- b) osobe s onesposobljenjem/invaliditetom;
- c) samohrani roditelji, staratelji ili hranitelji porodice;
- d) šehidske porodice/podrođice poginulih boraca;
- e) demobilisani nezaposleni borci definisani Zakonom o boračkoj populaciji F BiH;
- f) porodice nestalih osoba i
- g) bivši logoraši.

IV Odabir korisnika i dodjela sredstava

Za provođenje javnog poziva i realizaciju cjelokupnog postupka odabira korisnika i dodjele sredstava Ministrica za socijalnu politiku, zdravstvo, raseljena lica i izbjeglice Bosansko-podrinjskog kantona Goražde će imenovati komisiju.

Odabir korisnika pomoći održivosti povratka će se vršiti u skladu sa Procedurama za izbor korisnika pomoći u održivom povratku i pojedinačnim procedurama donesenim u odnosu na javni oglas.

Na osnovu prijedloga podnosioca zahtjeva/aplikacije, kvaliteta i opravdanosti ponuđenog programa/projekta ili aktivnosti, procjene realnih potreba od strane Ministarstva za socijalnu politiku, zdravstvo, raseljena lica i izbjeglice Bosansko-podrinjskog kantona Goražde i raspoloživosti budžeta, utvrđuje se visina sredstava za finansiranje/sufinansiranje. Konačnu odluku o dodjeli tih sredstava donosi Ministrica za socijalnu politiku, zdravstvo, raseljena lica i izbjeglice Bosansko-podrinjskog kantona Goražde.

Visinu sredstava za raspodjelu po ovom javnom pozivu utvrđuje resorno Ministarstvo u skladu sa Programom utroška sredstava sa ekonomskog koda 614200 - Tekući transferi pojedincima (JAM 001- Izdaci za raseljena lica) za 2018.godine.

V Rok za podnošenje zahtjeva

Rok za podnošenje zahtjeva po ovom Javnom pozivu je 15 dana od dana objave.

Zahtjev sa potrebnom dokumentacijom kojom se zadovoljavaju opći i posebni uslovi podnose se u zatvorenoj koverti na Protokol Bosansko-podrinjskog kantona Goražde ili poštom na adresu:

**Bosansko-podrinjski kanton Goražde Ministarstvo za socijalnu politiku, zdravstvo,
raseljena lica i izbjeglice**

Ul. 1. Slavne višegradske brigade 2a 73000 Goražde

Sa naznakom

“Prijava na Javni poziv. Ne otvaraj”

Na poleđini koverte obavezno navesti ime i prezime podnosioca zahtjeva, adresu i kontakt telefon.

Nepotpune i neblagovremene prijave neće se uzeti u razmatranje.

Prijave koje budu kompletne i dostavljene u roku iz predhodnog stava biće uzete u razmatranje od strane Komisije formirane rješenjem Ministarstva za socijalnu politiku, zdravstvo, raseljena lica i izbjeglice BPK Goražde.

VI Način objave

Javni poziv objavljuje se na zvaničnoj internet stranici Vlade Bosansko-podrinjskog kantona Goražde, kao i na Oglasnoj ploči Bosansko-podrinjskog kantona Goražde.

Ministarstvo zadržava pravo kontrole namjenskog utroška dodjeljnih sredstva.

**Bosansko-podrinjski kanton Goražde
Ministarstvo za socijalnu politiku, zdravstvo,
raseljena lica i izbjeglice**

MINISTRICA

Sabira Bešlija

Broj: 08-14-710-1/18
Goražde, 03.04.2018.godine

PRIJAVA – FIZIČKO LICE

I LIČNI PODACI

Prezime _____ Ime oca _____ Ime _____

Broj L.K. _____, izdata u _____ JMBG: _____

Adresa (ulica i br): _____, mjesto _____, općina _____

Poštanski broj _____, kontakt telefon: _____, broj članova porodice _____

II NAZIV TRAŽENE POMOĆI I OPIS PROJEKTA:

III PRILOŽENI DOKAZI

Opći kriteriji su obavezujući:

- da je povratnik u prijeratno mjesto prebivališta na području Federacije BiH ili povratnik iz Federacije BiH u prijeratno mjesto prebivališta za području Republike Srpske i Brčko Distrikta BiH;
- da ima rješeno stambeno pitanje u mjestu povratka;
- da raspolaže ili u traženom roku može obezbjediti sve potrebne/tražene preduslove za implementaciju projekta (u zavisnosti od vrste projekta npr. zemljište, objekti i drugi resursi).

Posebni kriteriji nisu obavezujući:

- ranija korištenost/nekorištenost finansijskih sredstava ili drugih oblika pomoći za održivi povratak;
- broj i starosna dob članova porodice/osoba koje žive u zajedničkom domaćinstvu sa podnosiocem zahtjeva – članovi mlađe životne dobi;
- dokazi o pripadnosti ranjivim kategorijama (šehidske porodice odnosno porodice poginulog borca, RVI, porodice nestalih, bivši logoraši, civilne žrtve rata, demobilisani borci, porodice u kojima je žena nosilac domaćinstva, osobe sa invaliditetom i sl.);
- nezaposlenost, radni ili drugi status podnosioca zahtjeva i članova domaćinstva.

Zaokružite dokaze koje prilažete uz prijavu

Svi dokumenti moraju biti izdati od nadležnog organa, original ili ovjerene kopije.

Datum _____ 2018.godine

Potpis

PRIJAVA – PRAVNO LICE

I OSNOVNI PODACI

Naziv organizacije: _____ Godina osnivanja: _____

ID broj organizacije: _____ Broj žiro računa: _____

Naziv banke: _____ Ime predsjednika organizacije: _____

Adresa (ulica i br): _____, mjesto _____, općina _____

Poštanski broj _____, kontakt telefon: _____.

II NAZIV TRAŽENE POMOĆI I OPIS PROJEKTA:

III PRILOŽENI DOKAZI

Opći kriteriji su obavezujući:

- izvršena registracija pravnog subjekta (ako prijavu podnose udruženja, organizacije, asocijacije, poslovni subjekti i sl.);
- da su predloženi projekti usmjereni ka rješavanju infrastrukturnih i drugih problema značajnih za razvoj održivog povratka i širu društvenu zajednicu (ako prijavu podnose udruženja, organizacije, asocijacije, zadruge, poslovni subjekti i sl.);

Posebni kriteriji nisu obavezujući:

- spremnost sufinansiranja projekta od strane podnosioca prijave ili drugih donatora;
- broj povratničkih domaćinstava/povratnika i broj potencijalnih povratnika kojima će projekat koristiti;
- očekivani rezultati, procjena mjerljivih efekata koji idu u prilog stvaranju preduslova za kvalitetniji život povratnika.

Zaokružite dokaze koje prilažete uz prijavu

Svi dokumenti moraju biti izdati od nadležnog organa, original ili ovjerene kopije.

Datum _____ 2018.godine

Potpis
